

Bemerkungen über einige orientalische Pflanzenarten.

Von Dr. A. v. Degen (Budapest).

XVII.

Achillea Baldaccii nov. spec.

E sectione „*Filipendulinae*“ (DC. Prodr., Boiss. Fl. or. III. p. 254). Elata (50—60 cm alta), longe et patule lanuginoso-villosa, virens, caulibus simplicibus, striato-sulcatis, patule villosissimis (villis caulibus diametro aequilongis), inferne dense foliosis, foliis magnis, ambitu oblongo-lanceolatis, pinnatisectis, segmentis majusculis ambitu oblongis ad medium inaequaliter inciso-dentatis, dentibus iteratim triangulari-serratis, segmentis mediis et superioribus in rachidem dentibus 4-5-nis decrescentibus decurrentibus inferioribus dentatis versus basin sensim decrescentibus, imis similibus, simplicibus lanceolatis, subintegris; foliis superioribus minoribus, pinnatisectis, segmentis serratis, omnibus utrinque patule subsericeo-villosis; corymbo composito, denso, polycephalo, capitulis ovatis, parvis, paucifloris; involucri pallidi phyllis pauciseriatis, exterioribus villosis, glanduloso punctatis, paulo brevioribus oblongis, obtusis, dorso calloso carinatis, caeteris subaequilongis, acutiusculis, glanduloso punctatis; paleis elliptico-lanceolatis, acutiusculis, ligulis vitellinis, apice valde spathulato-dilatatis, obsolete trilobis.

Folia inferiora c. 25 cm longa, 5—6 cm lata, capitula $2\frac{1}{2}$ —4 mm alta.

Planta speciosa, aromatica, nullae Europaeae similis, valde affinis tamen *A. filipendulinae* Lam. Asiaticae (*A. filicifoliae* M. B., cujus *A. Eupatorium* M. B. est forma radiata, glabrescens), et ejus forsan subspeciem tantum sistit Europaeam, a typo indumento omnium partium densiore, patulo, capitulis minoribus, paucis (7—12) floris et periclinii structura diversam.

Achillea filipendulina Lam. gaudet enim, uti e speciminibus Hohenackerianis et Kotschyanis edoctus sum, capitulis fere duplo majoribus, involucri elongati, obconico-cylindrici phyllis multiserialibus, acutiusculis, pubescentibus, imbricatim discretis (serie interiore ab exteriori non tecta).

Habitat in Albania. In pratis infra montem Sasica et Hon distr. Vallona die 4. Jul. 1894 detexit am. Dr. A. Baldacci Boloniensis (exsicc. Nr. 30), cui species dedicata sit.

Budapest. am 29. November 1894.

ZOBODAT - www.zobodat.at

Zoologisch-Botanische Datenbank/Zoological-Botanical Database

Digitale Literatur/Digital Literature

Zeitschrift/Journal: [Österreichische Botanische Zeitschrift = Plant Systematics and Evolution](#)

Jahr/Year: 1895

Band/Volume: [045](#)

Autor(en)/Author(s): Degen Árpád von

Artikel/Article: [Bemerkungen über einige orientalische Pflanzenarten. 25](#)